

## Scéim Pá um Shaoire Bhreiteachta Reachtúil

**Tabhair do d'aire:** Gabhann an treoirlíne seo in ionad treoirlíne P14-2022/2023 - Scéim Pá um Shaoire Bhreiteachta Reachtúil

### Réamhrá

Tháinig an tAcht um Shaoire Bhreiteachta i bhfeidhm ar an 1 Eanáir 2023 agus forálann sé do theidlíocht ar shaoire bhreiteachta reachtúil i gcás fostaí a bheadh ag obair de ghnáth ach nach raibh in ann oibriú de dheasca breiteachta nó gortaithe.

Baineann an tAcht um Shaoire Bhreiteachta 2022 le fostaithe, a bhfuil ar a laghad 13 seachtaine de sheirbhís leanúnach acu, atá fostaithe faoi chonradh fostaíochta, cibé acu faoi chonradh lánaimseartha, páirtaimseartha, buan, nó téarma seasta. Ón 1 Eanáir 2023 i leith, tá sé de cheart ag fostaithe 3 lá saoire breiteachta íoctha a fháil in aghaidh na bliana féilire. Is é an méid íocaíochta breiteachta laethúil ná 70% de ghnáthphá laethúil na bhfostaithe suas go huasmhéid €110 in aghaidh an lae. Is é seo an t-íoslíon dlíthiúil laethanta breiteachta íoctha in aghaidh na bliana anois in 2023.

Ón 1 Eanáir 2024, méadófar an teidlíocht íosta go 5 lá in aghaidh na bliana agus meastar go dtiocfaidh méadú air sna blianta amach romhainn mar seo a leanas:

- 2025 - 7 lá
- 2026 - 10 lá

### 1. Ráta Íocaíochta

- Íocann an bord bainistíochta pá breiteachta ag 70% de ghnáthphá comhlán laethúil an fhostaí suas go huasmhéid €110 in aghaidh an lae.

#### **Sampla 1:**

An ráta laethúil de phá breiteachta reachtúil a ríomh d'fhostaí a thuilleann tuarastal seachtainiúil €750 i leith seachtain 5 lá.

Tuarastal seachtainiúil		€750
Ráta pá laethúil	€750/ 5 lá =	€150
Pá Breiteachta Reachtúil	€150 x 70% =	€105

### **Sampla 2:**

An ráta laethúil de phá breoiteachta reachtúil a ríomh d'fhostaí a thuilleann tuarastal seachtainiúil €800 i leith seachtain 5 lá.

Tuarastal seachtainiúil		€800
Ráta pá laethúil	€800/ 5 lá =	€160
Pá Breoiteachta Reachtúil	€160 x 70% = €112 teoranta don uasmhéid	€110

- Má tá an pá bunaithe ar ráta seasta in aghaidh na huaire ach le haghaidh líon inathraithe uaireanta, ba chóir an pá a ríomh ar an méid a bheadh iníoctha leis an bhfostaí dá mbeadh sé/sí ag obair an lá sin.

### **Sampla 3:**

Oibríonn fostaí 4 huaire an chloig ar an Máirt, 6 huaire an chloig ar an gCéadaoin, agus 8 n-uaire an chloig ar an Aoine. Íoctar an t-íosphá náisiúnta €11.30 leo. Déan a ráta laethúil de Phá Breoiteachta Reachtúil a ríomh dá mbeidís as láthair ar shaoire bhreoiteachta le teastas ar an Máirt, ar an gCéadaoin nó ar an Aoine.

An Mháirt	4 huaire x €11.30 x 70% =	€31.64
An Céadaoin	6 huaire x €11.30 x 70% =	€47.46
An Aoine	8 huaire x €11.30 x 70% =	€63.28

Seachas sin, má athraíonn an pá ó sheachtain go seachtain is é gnáthphá an fhostaí meán a bpá don tréimhse 13 seachtaine sula dtéann siad ar saoire bhreoiteachta.

## **2. Critéir cháilitheacha**

Chun a bheith cáilithe, ní mór don fhostaí:

- 13 seachtaine de sheirbhís leanúnach a bheith aige/aici leis an scoil (déantar tréimhsí asleagain níos giorra ná, nó cothrom le, 26 seachtaine a mheas mar sheirbhís),
- teastas a bheith acu ó Dhochtúir Teaghlaigh á rá go bhfuil sé/sí neamhinniúil chun oibre,
- a bheith in ainm is a bheith ag obair ar an lá breoiteachta.

D'fhonn amhras a sheachaint, níl aon teidlíocht ar shaoire bhreoiteachta reachtúil i gcás breoiteachta gan teastas.

### **3. Teidlíochtaí atá ann cheana féin**

Is é seo an socrú pá breoiteachta íosta nach mór don bhord bainistíochta a sholáthar d'fhostaithe.

Luaitear san Acht um Shaoire Bhreoiteachta má tá teidlíocht ar shaoire bhreoiteachta íochta ann cheana féin i gconradh fostaíochta agus í chomh fabhrach nó níos fabhraí ná an teidlíocht reachtúil, meastar go bhfuil oibleagáid an fhostóra faoin reachtaíocht comhlíonta ansin. Is in ionad na teidlíochta sin, agus ní i dteannta na teidlíochta sin, a bheidh foráil ar bith den sórt sin.

#### **3.1 Téarmaí athbhreithnithe do rúnaithe scoile/oifigh chléireachais faoi chomhaontú an Choimisiúin um Chaidreamh san Áit Oibre de réir Chiorclán 0036/2022**

Beidh na teidlíochtaí seo a leanas ar shaoire bhreoiteachta íochta le linn na scoilbhliana acadúla ag rúnaithe scoile a roghnaigh a bheith páirteach sa chomhaontú thuasluaite:

- Scoilbhliain 2023/2024 - 5 lá ar phá iomlán
- Scoilbhliain 2024/2025 - 7 lá ar phá iomlán
- scoilbhliain 2025/2026 agus ar aghaidh - 10 lá ar phá iomlán

**Ní mór don rúnáí scoile/oifigeach cléireachais teastas dochtúra a chur ar fáil ionas go mbeidh an tsaoire bhreoiteachta iníochta.**

#### **3.2 Catagóirí eile foirne, e.g. glantóirí, feighlithe, maoirseoirí nach múinteoirí iad, cóitseálaithe**

Beidh ar an mbord bainistíochta athbhreithniú a dhéanamh ar na teidlíochtaí saoire atá ann cheana féin chun a chinntiú go bhfuil siad, ina n-iomláine, chomh fabhrach nó níos fabhraí don fhostaí.

Leagann an tAcht um Shaoire Bhreoiteachta amach na critéir d'fhostóirí chun a chinneadh cibé an bhfuil a scéim pá bhreoiteachta reatha níos fabhraí ná na forálacha reachtúla beartaithe dá bhforáiltear san Acht:

- An tréimhse seirbhíse a chaithfidh fostaí a bheith aige/aici sula mbeidh saoire bhreoiteachta iníochta.
- Líon na laethanta a bhíonn fostaí as láthair sula mbeidh saoire bhreoiteachta iníochta.
- An tréimhse dá bhfuil saoire bhreoiteachta iníochta.
- An méid saoire breoiteachta atá iníochta.
- Tréimhse thagartha na scéime saoire breoiteachta.

- Sa chás go bhfuil teidlíocht an fhostaí ar shaoire bhreiteachta íoctha faoina c(h)onradh níos fabhraí ná an teidlíocht mhéadaithe de 5 lá saoire bhreiteachta reachtúil, ba chóir a chur in iúl don fhostaí nach bhfuil aon athrú ag teacht ar an gconradh fostaíochta agus go mbeidh feidhm i gcónaí ag na forálacha um shaoire bhreiteachta sa chonradh.
- Déantar foráil san Acht, i gcás nach bhfuil teidlíochtaí reatha chomh fabhrach leis an tsaoire bhreiteachta reachtúil, go meastar go bhfuil na teidlíochtaí sin modhnaithe ar dhóigh nach lú fabhar é. Ba cheart a dteidlíocht saoire bhreiteachta reachtúil agus na critéir cháilitheacha le haghaidh íocaíochta a chur in iúl i scríbhinn d'fhostaithe. Ba cheart fógra a thabhairt d'fhostaithe faoi athruithe ar a dteidlíochtaí saoire bhreiteachta.

#### **4. Pointí eile le tabhairt do faoi deara**

Is féidir laethanta breiteachta a thógáil mar laethanta as a chéile nó mar laethanta aonair.

Is ionann an bhliain pá bhreiteachta reachtúla agus an bhliain féilire, i.e. téann sí ón 1 Eanáir go dtí an 31 Nollaig.

I gcás rúnaithe scoile/oifigigh chléireachais a roghnaíonn a bheith páirteach sa chomhaontú atá leagtha amach i gcuid 3.1, is ionann an bhliain pá bhreiteachta agus an scoilbhliain acadúil.

#### **5. Taifid le coinneáil**

Ní mór don bhord taifead a choinneáil maidir leis an tsaoire bhreiteachta reachtúil go léir a thógtar, lena n-áirítear:

- a) tréimhse fostaíochta gach fostaí a bhaineann leas as saoire bhreiteachta reachtúil,
- b) dátaí agus amanna na saoire bhreiteachta reachtúla maidir le gach fostaí a bhaineann leas as an tsaoire sin, agus
- c) an ráta íocaíochta don tsaoire bhreiteachta reachtúil i ndáil le gach fostaí a bhaineann leas as saoire bhreiteachta reachtúil.
- d) Ní mór na taifid a choinneáil ar feadh ceithre bliana.

#### **6. Impleachtaí Cánach Ioncaim, ÁSPC agus MSU**

Ba cheart pá bhreiteachta reachtúil a thairfeadh mar chuid de phá comhlán an fhostaí agus tá sé faoi réir cánach ioncaim, MSU agus ÁSPC an fhostóra agus an fhostaí. Toisc go bhfuil an íocaíocht ináirithe chun críocha ÁSPC, ba chóir seachtain inárachais a bhronnadh ar an bhfostaí i leith na laethanta a bhfuil sé/sí ag fáil pá bhreiteachta reachtúil.

## 7. Sochar Breoiteachta Stáit

Níl fostaí ar bith a fhaigheann an tSaoire Bhreoiteachta Íoctha reachtúil seo óna bhfostóir i dteideal Sochar Breoiteachta Stáit a fháil ar an lá céanna.

Ní íoctar sochar breoiteachta stáit don chéad 3 lá breoiteachta.

## 8. Acmhainní eile úsáideacha

- [Saoire Bhreoiteachta agus Pá Breoiteachta \(citizensinformation.ie\)](http://citizensinformation.ie)
- [Teimpléad do bheartas samplach um Pá Breoiteachta Reachtúil](#)

Déan teagmháil le FSSU le tuilleadh eolais nó soiléiriú a fháil ar aon cheann de na saincheisteanna sa Treoirlíne seo.

Guthán: 01 910 4020

[primary@fssu.ie](mailto:primary@fssu.ie)

*An 6 Samhain 2023*